

ҲАМКАСБИМИЗ ФАЗИЛАТЛАР СОҲИБИ

Ёш авлоднинг маънавий юксалишида ўз ҳиссасини қўшаётган, кутубхоначилик ишига ўзининг бутун билим ва имкониятларини баҳшида этган, кутубхона зиё маскани эканлигини кенг омма онгига чуқур сингдиришда намуна кўрсатаётган фидойи ҳамкасбим – Тошкент шаҳар «Bilim» ахборот-кутубхона марказининг бўлим мудирини Муратова Винера Қудузовна ҳақида ҳикоя қилмоқчиман.



Винера 1992 йилда Тошкент давлат маданият институтини муваффақиятли тамомлагач, Тошкент шаҳридаги Марказлашган болалар кутубхона тизимининг услубият-библиография бўлимига услубиятчи лавозимига ишга қабул қилинади. 1999 йилда бу тизимнинг тарқатилиши муносабати билан у Тошкент шаҳар «Bilim» илмий-универсал кутубхонасининг услубият-библиография бўлимига услубиятчи лавозимига ишга ўтади.

2000 йилда ташкилотчилиги, ўз устида изланиши китобхонларга, ходимларга бўлган хушмуомалалигини ҳисобга олиб, Муратовани фойдаланувчиларга хизмат кўрсатиш бўлими бош кутубхоначиси лавозимига ўтказишди. Винера табиатдан дилкаш бўлганлиги туфайли ҳар бир китобхон кўнглига йўл топар, уларнинг қизиқишларини тинимсиз ўрганар, ахборотга бўлган талабини бажаришга ҳаракат қилар, китоб, журнал ёки мақола ҳақида содда тилда ҳикоя қилиб берар эди.

Шу тариқа Винера фойдаланувчиларга хизмат кўрсатиш бўлимида қарийб 10 йил меҳнат қилиб, сўнгра Ахборот-библиография бўлимига ишга ўтгач, библиография соҳасининг мутахассиси сифатида танилди ва ҳозирги кунга қадар шу бўлимда мудирлик вазифасигача бўлган йўлни босиб ўтиб, самарали меҳнат қилиб келмоқда.

Винера Қудузовна ўзига ва ўзгаларга нисбатдан

ўта талабчан ва қатъиятли. Ахборот-библиография бўлимига китобхонлар томонидан келиб тушган сўровларни, ахборотларни тезкор, сифатли қидириш, топиш ва ўз эгаларига етказиш борасида ҳамкасбларига ўрнатилган бўларли даражада фаолият олиб боради.

В.Муратова ўзига тегишли мажбуриятлардан ташқари, жамоат ишларида ҳам фаол иштирок этади. Унинг меҳнатсеварлиги, адолатпарварлиги ҳамда бошқа бир қатор ижобий фазилатлари туфайли уни «Bilim» АКМ жамоаси касаба уюшмаси раислигига тавсия этган ва у узок йиллардан бери бу масъулиятли вазифани адо этиб келади.

Маълумки, ахборот-кутубхона марказига келиб тушаётган оғзаки, ёзма сўровларни тезкорлик билан самарали бажарилишида бевосита ахборот-библиография бўлими хизмати таянлади. Бўлимда ўлкашуносликка оид адабиётлар сектори мавжуд бўлиб, ўлкашунослик бўйича нашр этилган адабиётлар, турли типдаги ахборотларни тарғиб қилади. АКМ ахборот библиография бўлими мутахассисларга, кенг аҳолига, шунингдек, барча кутубхона фойдаланувчиларига мақолаларнинг системали картотекаси, ўлкашунослик картотекаси, долзарб мавзулар бўйича мавзули картотекалар тузиб, электрон маълумотлар базасини ташкил қилган ҳолда хизмат кўрсатади. Бу эса ўз навбатида китобхонларга зарурий адабиётларни, тезкор ахборотларни излаб топиш ва фойдаланишда қулайликлар яратади. Дарҳақиқат, ахборот-библиографик хизматнинг





тўғри, аниқ ташкил қилинганлиги унинг самардорлигини белгилаб беришда ва китобхонлик маданиятини оширишда муҳим омил ҳисобланади.

Фойдаланувчиларга янада қулай имконият, тез ва сифатли хизмат кўрсатиш мақсадида илмий-услугият ва ахборот-библиография бўлими томонидан рус тилида “Наука в фокусе” мавзусида библиографик кўрсаткич, “Инсон манфаатлари ҳамма нарсадан улуғ” мавзусида тавсиявий адабиётлар рўйхати, 1 октябрь – Устоз ва мураббийлар кунига “Таъзим сизга устоз ва мураббийлар”, биринчи Президентимиз И.Каримов асарлари тарғиботига оид “Юксак маънавият – енгилмас куч” мавзусида адабиётларнинг тавсиявий рўйхати, “Тарихи бой, бугуни гўзал, келажаги буюк шаҳар” мавзусида библиографик кўрсаткич, “Фойдаланувчиларга библиографик ўқишларнинг инновацион ғоялари”, “Маълумот-библиография аппаратининг структураси ва функциялари”, рус тилида “Библиографические базы данных”, “КаДаТа – кутубхоналарни ахборотлаштириш дастурий таъминоти”, “Кутубхоналараро абонемент таркиби ва вазифаси” мавзусидаги услубий-библиографик кўлланма-

ларнинг ишлаб чиқилиши ва Тошкент шаҳридаги барча ахборот-кутубхона муассасалари ходимларига етказилаётганида В.Муратованинг салмоқли ҳиссаси бор.

Винера Қудузовна нафақат кутубхоначи, мохир библиограф, балки ўз соҳаси ҳақида тўлиб-тошиб ёзишни хуш кўрадиган қалам соҳиби ҳамдир. Соҳамиз минбари ҳисобланган “Kutubxona.uz” ва “Infolib” журналларида “Қулай ахборот мактаби”, “Кутубхона ўз олдига қўйилган мақсад сари”, “«Bilim»: шарафли юбилейингни нишонлаймиз” каби мақолалари фикримизга далилдир. Қолаверса у “Вечерний Ташкент”, “Правда Востока” газеталарининг ҳам доимий ҳамкори ҳисобланади.

Винера Муратова тажрибали мутахассис ғайратли, меҳнатсевар, масъулиятли, ўзига талабчан, ҳар бир ишга илмий ва ижодий ёндашадиган, барча қийинчиликларни енгиб, топшириқни самарали натижага олиб келишни таъминлайдиган кучли ходим сифатида ўз ўрнига эга. Ушбу фазилатлар унинг аллақачон устоз мақомига етганидан дарак беради. Энг қувонарлиси – бу хислатлар касбдошларига, айниқса ёшларга намуна бўлиб хизмат қилади.

Ҳафиза КАРИМОВА,
Тошкент шаҳар «Bilim»
ахборот-кутубхона маркази директори

